

Irirangi Te Motu
NZ On Air



Te Ipukarea

O Irirangi Te Motu | NZ On Air


2024

Te Ipukarea o Irirangi Te Motu | NZ On Air

Ko ā mātou kōrero me ā mātou waiata kei te rito o mātou, ko wai mātou, nō whea hoki mātou. Kei te aro pūmau a Te Irirangi Te Motu ki te āheinga kia honohono ai tātou me te whakapakari o te ahurea motuhake o Aotearoa.

He iwi kānaka maha tātou i whakatū ki runga i te tūāpapa kānaka rua. Pērā i te awa whiria, e whai atu ana ō tātou awa kanorau i ō rātou ake ara engari ka whakakotahitia e te awa kotahi me te wāheke kotahi..

He Awa whiria, he wāhanga motuhake o te hononuku o Aotearoa, ā, ka kitea ngā awa nei hei ara tika rawa atu ki te whakakanohi i te mahi a Irirangi Te Motu. Ko te tūāpapa o tō mātou nei kitenga kia rere noa ngā kai hei tuku ki ngā marea katoa e whakamāramatia ana e tō mātou pepa whai mana tūāpapa, ko Te Ipukarea.



Tō mātou koronga

Hei whakaata me te whakapakari hoki i te tuakiri me te ahurea o Aotearoa.



Tō mātou kitenga

I honohono ai tātou ko ngā tāngata o Aotearoa mā ā tātou kōrero me ā tātou waiata.



Tō mātou kawenga ki Te Tiriti o Waitangi

Hei hinonga karauna tū motuhake, e whakamanatia ana Te Tiriti o Waitangi e mātou hei tūāpapa o tō tātou tuakiri hei motu me te hononga ki Ngāi Māori kei tōna rito. E mōhiotia ana e mātou tō Māori mana ki te tino rangatiratanga, ā, ka whai whakaaro mātou kia uru atu ki tā mātou mahi, ko ngā whanonga pono o Te Tiriti o Waitangi:

MANA TAURITE

Ko ngā hua tautika mō te hunga toi me ngā mātakitaki.

WHAKAMARUMARUTIA

Kia whakatenatenatia te Reo Māori me ōna tikanga i roto i te umanga me ngā mea kua utua.

KŌWHIRINGA

Ko te mana o te kōwhiri mō Ngāi Māori kia whai wāhi atu ki Te Ao Māori me Te Ao Pākehā.

MAHI TAHI

Mahi Tahi ki te hunga whaipānga Māori me ngā Iwi kia tika ai ngā painga pātahi mō ngā mātakitaki katoa.

Ko tō mātou Rautaki Māori kia whakatinanahia mai ai ēnei whanonga pono, ā, ka āta tirohia ia tau hei whakatū i te haerenga tonutanga o tō mātou kawenga ki te whakamana i Te Tiriti o Waitangi.



He Awa Whiria

E whakanuitia ana te momoho o ngā ahurea i roto i tō tātou nei motu mā tō mātou nei whakaaturanga o He Awa Whiria. Kua herea mātou ki te whakarato i ngā mātakitaki, ā, i whakamāramatia mai i te Ture Pāpāho me ērā i whakatinana mai i roto i te whanaketanga tonutanga o Aotearoa. Kei te tautoko me te whakanui ake i tētahi porihanga kauawhi, he porihanga kānaka maha hoki, i taunaki i tō mātou Rautaki o Te Tautika me te Whakaahuaahanga, hei manaaki i te hononga i ngā āheinga katoa.



Ā mātou whānonga pono

Ka arahina mātou i roto i ā mātou mahi e ngā whānonga pono:

KAITIAKITANGA

E mārama ana mātou ki te kawenga o te āheinga me te manaakitanga o te auahatanga me te mahi a ngā ringatoi.

E hāngai tā mātou aro ki ngā taonga e tautoko ana mātou, ā, ka whakaata tūturu mai me te rato ki a Aotearoa, ā, he tika rawa atu, he māraakerake hoki i roto i ā mātou whakatakotoranga whakaaro.

MANAAKITANGA

Ka noho pūmau ngā tāngata ki mua i te tuatahi, kia manaakitia ai tātou katoa ki te mana me te whakaute. He wairua tautoko, he ngākau aroha ki ngā tāngata katoa.

MĀIA

Ka whai tūpono whakatara i roto i te ara whakamua o tō mātou take, he māia mātou ki te mahi ki te ngākau tapatahi i a mātou e whakatau i ngā take uaua, ā, kei a mātou te whakamanawa ki te ārahi i te panoni i te wā me panoni.

Te Ipukarea kei te mura o te ahi

Ko ngā takohanga o Te Ipukarea e rere ana i roto i ā mātou rautaki me ā mātou mahi, ā, kia whakatūturutia ai mātou ka herea ki tō mātou kitenga me tō mātou whakatakanga e kīia ana:

- He Whakakitenga Matua
- Tauaki Kawatau
- Tā Mātou Mahere Haumi
- Rautaki Māori
- Rautaki Te Moana Nui o Kiwa
- Rautaki o Te Tautika me Te Whakaahuahanga
- Kaupapahere Raroto, Mahi Whakahaere me ngā Pepa Aramahi Tohutohu.